

metalli, e el paese fertilissimo; i fiumi ricchissimi, tal che se ghe pesca l'oro; e per el paese ghe nasce le specie (spezierie); la zente va nuda, ma se trova alcune femene che se coverze con fogie, e con alguni lavori de bombaso fatti a posta. La zente è timida, adopera per arme le cime delle canne, in cao (in capo) a i bastoni. Alla prima vista dell'armada, molti comparse; ma quando se acostà i Spagnoli, quei del paese se ritirò con segno de gran timor. Son homeni de bona natura, liberali de quel che i ha, che è cosa incredibile a chi no i prova. Alhora no i havea religion alguna; ma però i mostra de creder che 'l vero Ben sia in Cielo. I ha fatto gran honor a quei dell'armada; i navega alguni navilli che ha qualche similitudene con le fuste che se usa de qua, alguni mazori e alguni minori; e son incomodi per esser molto stretti, cavadi d'un legno solo; son più veloci delle nostre fuste; navegano per quelle isole con quei legni, e conduseno le so robe da luogo a luogo. Questa isola è mazor della Inghiltera, e volze quanto la Spagna, e ha le miniere dell'oro. I Spagnoli dell'armada ha fatto una fortezza in un luogo nominà da loro la villa della Natività; e ghe hanno lassà zente, vittuaria e artelarie per un anno. La zente non è salvadega; ha costumi assai boni; sono bianchi; scampano 'l Sol, per aver gran forza in quel paese; l'inverno regna grandissimi freddi, e per remedio adoperano le specie. La Isola che i chiama Santa Maria, ha la zente simile a l'altra zente; se no che le usa i caveli longhissemi, e manza carne umana, e va robando i homeni per le altre isole, con i navilli ditti de sora; i usa archi e fresse de cima de canne, con un legneto in cima, per mancamento de ferro. Hanno trovà mastici, legno aloè, riobarbaro e canela. »

Allo stesso Domenico Malipiero, così scriveva poi il 21 agosto 1501 il Trevisano, segretario di Domenico Pisani